

Powšitkowne WOZJEWJENJA

njedźelu, 15. apryla 2012

Hłowna zhromadźizna Towarstwa Cyrila a Metoda

Předsydstwo Towarstwa Cyrila a Metoda z.t. (TCM) přeprašuje wšitkich člonow towarstwa, člonow sekcijow a korporacijow kaž tež zajimowanych hosći na swoju hłownu zhromadźiznu pjatk, 27. apryla, do Chrósćic. Započnjemy w 19 hodź. z Božej mšu w cyrkwi.

Přizamknje so zhromadźizna na farje.

Jurij Špitank, předsyda TCM

Nyšpor z požohnowanjom motorskich

Popołdno z požohnowanjom motorskich zahaji so njedźelu, 22. apryla, w 14 hodź. z nyšporom w Ralbičanskej cyrkwi. Po nim požohnuja so motorske. Přizamknje so wulět.

Serbske kemše w Drježdźanach

Serbja, jich při wuzni a přećeljo su wutrobnje přeprašeni na serbske kemše njedźelu 22. apryla, w 17 hodź. do cyrkwe swjateho Antonija w Drježdźanach Löbtau, Bünauska dróha 10. Božu mšu woswjeci farar Achim Pjetaš. Po kemšach zetkamy so na bjesadu. M. Bubnerjec

Oratorij „Nalěčo“ zanjese so w nowym „šaće“

Najrjeńša twórba z cyklusa „Počasy“ z pjera Handrija Zejlerja a Korle Awgusta Kocora – oratorij „Nalěčo“ – zaklinči lětsa přeni raz w dospołnje nowym wobdźělanju Dietera Kempa a Christiana Kabitzka, kotraž zložuje so na originalny klawěrnny wučah Korle Awgusta Kocora. Premjera budže pjatk, 20. apryla, w 19.30 hodź. w Statnym dźiwadle w Choćebuzu. W Hornjej Łužicy předstaji so oratorij jenož jónu, a to njedźelu, 22. apryla, w 14 hodź. w Kamjenskej Marijinej cyrkwi. Pod wumělskim nawodom Judity Kubicec hudzi orchester Sinfonietta z Drježdźan a spěwaja chóraj Bratrowstwa a Serbskeho ludoweho ansambla kaž tež chóry Budyšin, Lipa a Meja. Solistiske dźěle přewozmu Susanne Thielemann, Tanja Donat, André Khamasie a Jörg Hempel. Wopytowarjo smědža so na wosebitu hudźbnu chłóšćenku wjeselić. Wšitcy zajimcy su wutrobnje do Choćebuza a Kamjenca přeprašeni.

Zastupne lisćiki za předstajenje w Kamjencu předawaja so potuńšene w předpredani mjez druhim w Budyskim Serbskim ludowym ansamblu, w Kulowskim Grofic wobchodze a pola časnikarja Njeka w Chrósćicach. Za dźěci hač do 12 lět budže zastup darmotny.

Dalšej předstajeni budžetej njedźelu, 1. julija, w Praze a njedźelu, 19. awgusta, w cyrkwi Našeje knjenje w Drježdźanach.

Beneficny koncert we Łazku

Před wulkotnej kulisu Łazkowskeho niwoweho lěsa wuhotuje Towarstwo swjateje Filomeny njedźelu, 29. apryla, w 14.30 hodź. beneficny koncert. Program wuhotuja spěwarka Uta Brězanec, Rakečanscy muzikanća, Serbska rejoywanska skupina z Ćiska, spěwna skupina Po štyrjoch, kulturna skupina Worklečanskeje zakładneje šule, chór Wósličanskej ewangelskeje srjedźneje šule, Smjerdžečanska rejoywanska skupina kaž tež ludowa basnica Monika Kochowa. Wunošk koncerta wužije so za twar dźěłarnje za zbrašenych w Slavonskim Brodže w Chorwatskej. Wšitcy su wutrobnje do Łazka přeprašeni.